

ПОСОЛСТВО СВЯЩЕННОГО СІНОДУ ПРАВОСЛАВНОЇ ЦЕРЬКВИ В ЧЕСЬКЫХ ЗЕМЛЯХ І В СЛОВАКІЇ

ПАСХА ХРИСТОВА 2020

Дорогы братя і сестры,

Хр҃тосъ воскресъ – Христос воскрес!

Тогорочны Великодны свята суть істо іншы, як сьме собі будьколи знали представити. Многы з нас суть наповнены страхом, неістотов, найрізнішыма вопросам і похыбностями. Єднакы почутя інтензивно пережывають цілый світ навколо нас. Но може маєме выняткову можность барз конкретным способом пережыти то, што ся одбыло перед скоро дватисяч роками і зїстає актуальным і в тых днях – пережыти страх того малого кругу учеників, котры ся в неістоті ховали по тім, як їх возлюблений Учитель, до котрого вкладали великы надїї, крутым способом був розпятий, а они самы розогнаны. Ховали ся в страху і похыбностях, самы на собі зажыли час темноты. Але нечекано, як грім з ясного неба, розцвило ся на третій день – камінь був одвалений, гріб порожній, ангел радостно звістовав: **Богъ, нѣсть здѣ! Воскрес, нѣт Го ту!** (Мк 16, 6) Тота радостна вість ся по первістнім страху учеників зачала пошырѣвати як іскра, од котрой всягды довкола ся запалѣвало все веце і веце сердець, аж наконець укрѣплена выплятѣм Святого Духа на апостолів і Церьков запалила цілый світ. Воістину, Христос воскрес і ніч вже не є так, як было перше.

Винов пандемії інфекційной хвороты в наших храмах дочасно не проходят публічны богослужіня і нам ся здає, же зато сьме не годны радовати ся доведна як Церьков – як круг братів і сестер, зышовшых ся коло евхаристічных Дарів Тїла і Крови Богочоловіка. Досправды не можеме? Або якраз теперь пришов час великой Божой благодати, коли собі у своїм „я“ можеме усвідомити, же вшытко, што сьме до теперь у своїм жывоті брали як штось природне, і за што сьме уж одвыкли дяковати Богу – включно можности брати участь на богослужінях – же вшытко того є фактічно величезным Божым даром?

Возлюблены, в тых днях бы сьме мали веце як будьколи перед тым памятати, же сьме наслідниками і продовжователями якраз того колись малого і перестрашеного кругу Христовых учеників. Самы много не зробиме – наша сила є лем у Тім, котрый повів: **Въ міръѣ ікорени вѣдате: но держайте, ѣкво ѣзъ по вѣднѣхъ міръѣ! У світі будете терпіти, но не падайте духом, бо я переміг світ!** (Йо 16, 33)

Може пришов благословенный час благодати, котрый нас кліче, жебы сьме переоцінили свої одношіня к людям, предметам, подїям і фактам, котры суть навколо нас. Може маєме з Божов помочов знова обявити то, што є в жывотах нас самых, але і родин, церьковных общін, епархій а властно цілого общества досправды важным. Є час признати собі, же сьме много раз як окремы особы і цілы громады одвернули ся од той радостной подїї порожнёго Гробу. Много раз сьме ся одперли сісти собі к ногам Божественного Учителя, як Лазарѣва сестра Марія, і слухати Ёго животворны слова. Много раз сьме намісто харизматічной Боголюдської громады братів і сестер – Христового Тїла, Церькви – были лем обычайнов історічных, фолклорнов ці етнічных інштїтуціѣв без жывота. Много раз сьме ся успокоїли лем з формов а не интересовав нас обсяг. Много раз сьме ся завистливо і егоїстично намагали хранити полонїнь радостной вісти о порожнім Гробі Богочоловіка Ісуса – нашого Господа і брата – лем про себе, і не хотїли сьме ся Ним подїлити з навколишнім світом. Много раз сьме ся провинили перед живов притомностѣв Господа в нашім кругу. Много раз сьме на перше місце ставляли віру в самого себе і свою фалошну справедливость, а не схылили сьме ся покорно перед нашим Учителѣм, котрый нам має всегда што повїсти і хоче вести наш жывот. Настав час знова з апостолом Петром воскликнути: **Гдїи, къ комѣ ѣдемъ; гл҃голы живогѣ вѣчнагѣ ѣмашн, ѣ мѣ вѣрѣвахомъ, ѣ познѣхомъ, ѣкво ты єси хр҃тосъ, ѣтъ єгѣ**

жива́го! Господи, ку кому підеме? Ты маш слова вічного жывота а мы увірили і спознали, же ты Христос, Сын жывого Бога! (Йо 6, 68)

Може настав час, жебы сьме перестали нашу Церьков брати як даяку інштитуцію і жебы сьме ей знова зачали переживати як круг братів і сестер, де єдному досправды залежить на тім другім. Тадь вшыткы доведна сьме частёв єдного Боголюдьского организму Церькви – Христового Тіла, де Він єдиный є Главов, Господом і Учітелём, котрый нас в силі жывотворного Духа веде як любы діти к люблячому Отцёви. Якраз зато не замыкайме ся до своїх страхів і неістот, а в своїх молитвах памятайме на тых, котры будьякым способом жертвенно служать іншым – на лікарів і здравотників, членів озброєных і порядковых сил, робітників урядів, банк і обходів і многих далшых. А нелем то – намагайме ся і мы самы подля міры своїх можностей і способностей практично і конкретным способом помочи всягды, де ся лем дасть.

Возлюблены, тяжкы часы днесь переживаєме вшыткы ведно – духовенство і віруючі. Вшыткы сьме на єднім кораблю. Каждого з нас ся дотуляють общі побоєваня, страх і неістота. Але в тім радостнім пасхалнім часі хочеме ся з вами розділити словами святого апостола Павла, в котрых резонує дватісячрочна скушеность Церькви: **Хрѣстоу ѿиць оумерый, паче же ѿ воскресый, ѿже ѿ сѣтъ ѿ деню бѣа, ѿже ѿ ходѣтайтвѣетъ ѿ насъ ктѣ насъ разлѣчѣтъ ѿ любви бжїа; скорь ми, ѿли тѣкнотѣ, гонѣнїе, ѿли глѣдъ, наготѣ, вѣдѣ, ѿли мѣчь; Исус Христос, котрый умер, але і воскрес, є направо коло Бога і за нас заставать. Кто нас одлучітъ од Христовой любви? Ці жаль, або утискованя, пронаслѣдованя, або голод, нагота, біда або меч? (Рим 8, 34-35) Ни смѣрътъ, ни живѣтъ, ни аггѣи, ни начѣла, ниже силы, ни наготѣца, ни градѣца, ни вѣкотѣ, ни глѣбнѣнѣ, ни ѿна тѣбѣрь кѣла възможѣтъ насъ разлѣчѣти ѿ любви бжїа, ѿже ѿ Хрѣсте ѿиць, гдѣкъ насѣмъ! Ани смѣрътъ, ани жывот, ани ангелы, ани верхности, ани силы, ани сучасность, ани будучность, ани высота, ани глубина, ани якесь інше сотворѣнїа нас не зможе одлучіти од Божой любви, котра є в Исусови Христови – нашім Господі! (Рим, 8, 38-39)**

Просиме од вас молитвы і прикликуєме на вас Боже благословлїня!

Воистину воскрес гдѣ – Воистину воскрес Господь!

† Растислав

архієпіскоп пряшівскый,
метрополита чеськых земель і Словакії

† Михаїл

архієпіскоп пражскый і чеськых земель

† Георгій

архієпіскоп михаловско-кошыцькый

† Сімеон

архієпіскоп оломовцько-бырняньскый

† Ісаїя

єпіскоп шумперьскый